



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 57. Responsum Regis ad Neapolis Proregem.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

ab Anglis captus, quamvis An-Sæcul. XVI.
no Domini millesimo trecentesimo se- A.C. 1526.
xagesimo liber esset dimissus, tertio ta-
men post anno in captivitatem rediit,
ut interea Bretiniacensis pacti fides in-
tegre exsolveretur; hic idem suis Pro-
ceribus, qui rem dissuadere conabantur,
reposuit: „ Etsi promissi fides toto e-
„ tiam orbe exularet, semper tamen in
„ ore Regum suam sedem, ut habeat,
„ oportet; cum ergo libertatem meam
„ ab Anglorum Rege non aliter quam
„ sub conditione pacti integre adimple-
„ ti obtinuerim, cum dispendio etiam
„ proprii mei honoris, bonorumque pro-
„ missis stare cupio. „

§. LVII.

*Responsum Regis ad Neapolis
Proregem.*

Nihilominus Franciscus Rex Lanoyo
respondens sciscitabatur ab eo, num
homo debilis, vinctus, atque inclusus,
si ab alio potenti ac valido viro ad tra-
dendam crumenam stricto ense adige-
retur, salva Religione quæcunque de-
mum media arripere posset, ut ablatum
recuperaret? mox vero Rex nequidem
expectato Lanonyi responso ita prose-
cutus est, „ me inter & Joannem Re-
„ gem ingens intercedit discrimen; hic
H 3 enim

Sæcul. XVI. „ enim ab Eduardo hujus nominis ter-
 A.C. 1526. „ tio Angliæ Rege semper summis, ut
 „ Regem decet, honoribus fuit exce-
 „ ptus, Carolus vero Imperator me a-
 „ cerbius, quam privatum Nobilem ha-
 „ buit (*); ut autem Cæsar me ejus a-
 „ micitiam exoptare cognoscat, loco
 „ Burgundici Status vigesies centena
 „ aureorum millia offero, ceterosque
 „ foederis articulos exacte me adimple-
 „ turum spondeo, ea tamen lege, ut
 „ ambò Filii mei Delphinus, & Aure-
 „ lianensis Dux liberi dimittantur. „

Ut ea, quæ Franciscus promiserat,
 Cæsari proponerent, in se susceperunt
 Franciæ, ac Venetiarum Legati, qui eo
 tempore in Caroli aula agebant. Ast
 Imperator a Gallis adeo turpiter se il-
 ludi vehementer indignatus, arrogan-
 tius respondit: „ Haud parum vestram
 „ demiramur temeritatem, quæ nobis
 „ talia proponere præsumitis; ambos
 „ hosce Principes nunquam libertati
 „ restituemus, nisi prius ipsemet Rex in
 „ captivitatem redeat, vos vero, si eun-
 „ dem ad hoc adstringi haud posse ar-
 „ bitramini, aula nostra excedere pote-
 „ ritis. „

Igitur

(*) Vide lib. CXXIX. §. XCI., p. 540. &
 563.

Sæcul. XVI.
A. C. 1526.

Igitur Lanoyus, cum Galliarum Regem ad servandam fidem inducere desperaret, regno excessit, Neapolin reversurus. Ipse etiam Arausius Princeps, postquam jamjam ad confinia Regni processerat, ut Burgundici Ducatus possessionem acciperet, inde ad inferioris Burgundiæ Comitatum contendit. Nihilominus Cæsar animum minime despondens, firmum fixumque habuit, quod nullam omnino mutationem in Madritensi tractatu admittere vellet; quocirca Guastæ seu Vastio Marchioni, necnon Antonio de Leva, quem exercitus sui Ducem nominabat, in mandatis dedit, ut arcis Mediolanensis obsidionem prosequerentur.

§. LVIII.

Pontificis, Venetorumque copiarum in aciem educitæ.

Ex altera vero parte summus Pontifex, Venetique Gallorum, atque Anglorum auxiliis confisi copias suas in aciem eduxerunt, exercitus imperio Urbinatum Duci demandato. Franciscus autem Franciæ Rex copias suas, quas in Italia alebat, commisit Salutiarum Marchioni, qui cum quadringentis Cataphractis, quatuor Vasconum peditum millibus, ac quingentis levioris ar-

H 4

matu-